



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : CUHKFAA CHAN CHUN HA SECONDARY SCHOOL  
学校名称 : 香港中文大学校友会联会陈震夏中学  
Name of Play 剧名 : 梦想  
Script writer 剧作者 : 李荀琴 (校外学生)

**Synopsis 故事大纲 :**

三个少女，对梦想有不同的想法：有人只求快活，得过且过；有人却不择手段；有人想坚持理想，可惜不获认同，被迫委曲求全。究竟如何才是成功，令梦想实现呢？拣咸鱼青菜定名利双收？自欺欺人还是及早回头？不想令梦想落空，想梦想能够真正实现，从而得到成功。她们会如何抉择？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第一幕**

(幕开，Amanda 和梦露边玩游戏机，边等若男)

A： 搞错呀！若男咁耐架！

L： 唏！打工仔系咁架啦！識左佢咁多年，你唔系仲未惯呀！

A： I know, but, 十一点啦啲！

L： 得啦！帮我打埋呢局先啦！个张飞好猛呀！

A： OK！我要赵云！

L： 好呀！落闸放赤兔！

A： 战况如何？

L： 佢砍左我二千兵马呀！

A： 放心！等我帮你报仇！

(若男出)

若： 喂！姐妹！返来啦！

A： 呀！我个赵云呀！

L： 刘备~~~~

(若男上前，面向观众，状甚激昂)

若： 三国人物响当当，赵云曹操劉关张，因为两个傻婆被砍伤！被砍伤！

A+L： 想死呀！

若： 唏！讲下笑咋嘛！Don' t serious!

A： 系Don' t be so serious!

L： Wow!学下嘢啦！天后俾钱落你袋呀！

若： 系系！小人唔岩！小人唔着！两位天后今日咁「错荡」呀？唔洗拍片咩？

L： 拿拿拿！讲清楚D 呀！天后就天后！不过我地拍既片系totally difference 架！

A： 米系！我既片系educational，唔系一般市面上流通既片种！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

L： 系啰！我拍既片系非一般既wonderful 架嘛！

(A 和L 对峙)

若男： 相啖唔好口，大家都系天后，米打个和啰！

(A 和L 異口同声)

A： 补习天后

L： 影坛天后

若： 哦！好！补习天后、影坛天后、啖交天后、下一站天后，停火未呢？

A+L： Shut up!(推开若)

L： 我挥一挥手，大把fans 跟我走！

(fans 们出)

FansA： 梦露！系梦露呀！

FansB： 系啲！梦露！

FansC： 你真人靚过上镜呀！帮我签个名呀！

L： 得！得！得！逐个來！

(签完向后抛，Fans 争相抢着要)

(L 走向A，胜利姿态)

A： 我錄一錄video，

(学生们出)

学生们： 有Amanda Lam，考试唔洗惊！

A： Who am I ？

学生们： 补习天后，最高成就。

A： What is your target?

学生们： Grade A! Grade A! Grade A!

(与此同时，Fans 一同叫梦露！梦露！梦露)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

C: 叮！叮！

(A 与L 的fans 和学生们把声量减弱)

C: (拿着纸笔)又系落单既时候！嗌左咁耐，都觉口渴兼肚饿呢！本餐厅现正推出全港独一无二、一枝独秀、有你无我、无我就食唔到既创意套餐！

(梦露见没有人理睬C，便以性感姿态走向C)

C: 梦露天后性感特卖餐！

Fans: 我要！我要！

C: 系系！3 个！6 个！9 个！18 个！嘢饮唔！茶钱另计呀下！各位埋边坐！好快到！

(Fans 坐下)

(Amanda 见状，亦帮若招生意)

C: 激尝学生优惠特价餐！

学生: 我要！我要！

C: 系系！2 个！4 个！8 个！(A 瞪大眼望向C: 唔?)18 个！包嘢饮，唔包加一，服务费另计！呢边请！

(学生们坐下)

C: (抹一抹汗)呼！生意滔滔不绝呀滔滔不绝！多谢两位提携小妹！

A: 又唔系你赚！开心D 咩！(边说，边与fans 挥手)

L: 咪就系！拎鸡碎咁多人工就咁卖命！六千蚊够我买顶帽定买对袜？上进D啦！

(边说，边与学生们挥手)

C: 打工唔系净系求人工！

A+L: 咁系求咩呀？

第一幕完



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第二幕**

L: 系听呢个古仔之前，你未必識我，听完，你可能会想黎識我，你会賞識我，又或者你会憎我，想打击我，不过，無論如何，我净系想你记得…我系边个。大家睇下我，几咁风情万种、娇艳迷人，一睇我就知道我必定会成为万千少男少女心目中既女神！所以呢，而家d 导演都好钟意搵我帮佢地拍剧！点解呀？因为新一代梦露 is me!

(MUSIC, L 埋位与一众舞者跳舞)

L: 你有无梦想？系呀！你呀！（走向台前，问观众）CEO？For what 先，Certificate Examination？Omygod？行政长官？（众舞者：不切实际！）文员仔喎！（众舞者：无D 大志！）要做梗系做大佢啦！

(A 与小a 从后台出)

小a: 我的志愿是做一名教师。因为爸爸经常說我对他发号施令，又常常一问九「顶」，举一反三，只可以是做领导别人的料子，不能做白領受气。

(若与小若从后台出)

小若: 我…我…我的志愿是…是…白領。因为朋友說我只有被人发号施令的料子。

L: oh! no! 你睇下我呢两个朋友！一睇佢地个样就知佢地一个毫无理想，一个毫无大志！咁点得架~~当我系movie star 果时，佢地仲系人生小配角咋。（示意A、小a 与小c 离开）欸~呢个妹妹仔，你呀，你咁样望住我，系米系度谗，点解我可以做到主角？

(MUSIC)

(导演坐在台中，L 挑逗导演，与导演共舞，最后把导演拉进后台)

(转灯)

A: Beautiful and ugly! I am beautiful. You are ugly. Hahaha!

(学生们专心聆听着A)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

A : 咳! Well! Just joking! 放松d! relad! 考试唔代表一切! 分數亦唔系你既全部!  
跟住我愉快学习啦!

(学生们不满)

A : 唔! 其实学英文呢! 可以有好多唔同既途径架喎! 你地有无玩Facebook 呢?

学生 A : 有呀有呀!

学生 B : 我琴日被人绑架呀!

学生 C : 下?

学生 A : 入边果个功能呀! Miss! 你都有玩架?

A : Well! Facebook,有!

学生 B : 咁话我知你个user name 呀

A : 唔...好啦! Face! (拿起Notebook)Book!(拿开Notebook) Face! (拿起Notebook)  
Book! Facebook!

(学生们呆望着A)

A : 咳! Well! Relax! Haha! Just for fun.

(学生们非常不满)

学生A : 老师! 上得堂未?

(学生们埋头做w.s)

A : 咳! 咳! (面向观众)Well! You know. 佢地好shy 架! 不过, 唔紧要呀! 我会激发起佢地  
对学习既热诚! 重新投入爱的英语课! (望向学生)学生唔应该系考试既机器。

(音樂出, A 进入她的梦幻中)

学生A : 咳! 咳!

A : (上前)小心身体呀!

学生 B : (伏案而哭)我唔識呀!



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

A： (递纸巾给学生B)慢慢來啦！

(学生C 托腮苦恼)

A： (拿起学生C 电话，入电话号码，递给她)有事打俾我！

学生们： 老师你好好人呀！

A： 老师？Yes! I AM!

(音樂停止)

(熄灯)

(开灯)

(若出)

若： (面向观众)多谢帮衬！下次再來过呀下！

经理： 返工准时，做嘢又劝力！呢一千蚊劝工狀抵你拎既！

若： 多谢经理！

(经理下)

若： 做侍应，无咩唔好呀！朝七晚十一，系就系辛苦 d！之不过咁，做呢份工，咩工种都俾我做齐，长工、替工、臨時工，钟意做边份就做边份！又自由，又有弹性！经理又赏識我，睇得起我！佢仲话，迴多几年，升我做侍应主任助理添呀！(停顿)唔！唔系无谗过搵第二份既！之不过……

(台上众人在若男說話时，会做一些抹枱、扫地等动作)

众人： 中三毕业？

若： 唔！

众人： 工作经验呢？

若： 有如江水滔滔不绝呀滔滔不绝！拿！茶餐厅、大快湏…PizzaHut 外卖部啦…

众： 有咩分别？

若： 完全唔同！完全唔同！一个坐定定等我！一个排晒队等我！一个系屋企等我！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

众人： 車！

若： (无奈)仲好！做返自己老本行！我做侍应咁耐，03 年沙士影响唔到我；08年金融海啸又冲唔走我。份工叫做系稳稳定定，计落唔系铁，都系铜饭碗呀！

若： 劉华都话啦，服务性行业对香港好重要！香港经济都系靠我地班星斗市民咋！

若： 人工系唔高架啦，之不过，又咁睇呀！正所谓，民以食为先，炆炒烧焗煎！

(转向客人殷劝招待)请问条鱼想点煮呢？

第二幕完





**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第三幕**

若+A+L： 梦想！

若+A+L： 你地唔系！

若+A+L： 我先最成功！

(若+A+L 对峙)

A： 咁落去

L： 唔系办法

若： 搵人帮手

若+A+L： Miss 郑！

(Miss 郑出)

郑： (坐下)你地仲系咁好感情，太好啦！记得你地系学校果时都系成日为左小事嗌晒大交！

哈！

小 L： 无理由！

小若： D 理由滔滔不绝呀滔滔不绝！

小 A： well~就一杯菊花茶有无菊花呢个话题来讲，系…相当之无聊架！

小 L： 咁无理由柠檬茶有柠檬，菊花茶就无架嘛！

小 A： 咁大家都系同学，我有护背脊书包，你有无呀？

小 L： 你！

(小A 和小L 对峙)

小若： 唔好咁啦…话唔定菊花茶会有菊花。你听日就有护背脊书包呢…

小 A+小L： 收声！哼！

A： 今次唔同！

L： 好认真！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

若： 事关我地既终身大事！终身大事！

郑： 呀呀！依然无变…

若： 做侍应都可以出头！

小 L： 你要做白领？

小若： 唔。而家搵食艰难，今日唔知听日事，妈妈话我份人又蠢又唔及得上男仔咁大力，所以要搵返份有工开有糧出既工，先可以睇住班细佬妹。

若： 中三毕业，无可能啦！

A： 我一向都系以老师作为目标出发！

小 L： 老师？

小A： Well~Miss 郑拎住支咪好威，闹人果时好型，同我地玩又够nice 啲！被班同学仔围住既感觉very good！

大 A： 补习社D 学生都几钟意我呀……

L： 哼！影坛天后实现梦想，又名利双收，边个够胆否定我既成就？

小 L： 我要做明星！

小 A： 咦~唔正经~~妈妈话女主角，要靠跌驳架！

小 L： 我先唔会！

小若： 咁点做女主角？

小 L： 唔……我…我咁迷人，你方我会食尘咩~~~HOHO!

(L 心虚把膊头的衣服拉回)

郑： 人大个左，想法唔同左，就会有所改变。

小若+小A+小L：我地先唔会！（看向若+A+L）可？

若+A+L： 唔……(拧转头)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(若+A+L 电话响)

若+A+L： 喂！喂喂！Miss 郑我有事走先)

(小若+小A+小L 无奈地对望)

郑： 呵呵！Change…

第三幕完



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第四幕**

(台分兩边：左边为茶餐厅；右边为小販車)

(若苦恼，同时众人說話)

众人： 困呀……你几时汇钱返來呀……上个月你汇返來果二千蚊洗晒啦…你知啦，你 D 细路妹个个唔系升小学就升中学，学费杂费一大堆，屋企D 灯油火燭都要钱架嘛。唉…我唔系逼你呀，我都知你有困难，如果你系男仔，体力好 D，搵食都容易D 啦！

(若首先在茶餐厅招呼客人)

若： 2 个A 餐！可樂、斋啡！即到！

(若在客人中來回奔走)

(然后，茶餐厅灯暗，到右方推小販車叫卖)

若： 六蚊串大大粒鱼蛋！爽口又弹牙呀~!!

(若与众人叫卖)

(后台傳來警察的声音)

警察乙： 无牌经营、阻塞通道，仲想走？

警察甲： 追！

(众人纷纷走进后台)

(若想逃走时，被警察捉到)

(黑灯)

后台声音： Lu Lu，你点搞架！D 记者收到风你同李导d 嘢，叫左你小心d 架啦！你快d 行开阵，避下火头先啦！

(开灯)

(L 从后台出)

记者A： 听讲你介入李大导同葉碎碎既感情，系米真架？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

L： 唔系事实既我唔会回应。

记者 L： 突然一周影到你上个禮拜「又」去李大导屋企过夜㗎！

L： 我有朋友住系同一幢大厦，不过唔系李大导。

记者 C： 但葉碎碎话佢憎死第三者㗎，果个第三者系米你？

L： 唔系！

记者 D： 我地岩先收到风，有市民见到你前日去医院堕胎㗎，个bb 系米李大导架？

(记者们哗然)

L： (激动)你边间架？叫咩名呀？小心我告你诽谤！

(记者一涌而上)

记者们： 系米真架？逼婚不成？被逼堕胎？回应下啦！

L： 借借！！

(L 推开记者，快步跑入后台)

(A 出)

(校长跟着出)

校长： 有无搞错呀！你补习天后，同班学生讲求学不是求分數？

A： 一时口快……

校长： 一时口快，45 宗投诉呀！唔求分數，人地來补习社做咩呀！我一年俾过百万请你返來，你唔系跌我呀？

A： 我……

(学生们出)

学生A： 晒时间系度搞爛GAG

学生B： 又自以为好好笑

学生 C： 扮关心学生搏咩？

学生 A： 晒时间

学生 B： 晒精神



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

学生 C： 晒钱！！

学生们： 回水呀!!!

A： 你地听我讲先啦……

校长上前： 你俾个合理既解释我！

学生们： 回水！！

(A 入后台，校长及学生们追)

(播歌「一追再追 只想追赶生命裡一分一秒，原来多么可笑」)

第四幕完



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第五幕**

(若男坐在台中间穿胶花)

若： 一百…一百一十……一百一十一…(揉眼，疲累)

(A 从左方出，L 拿着酒从右方出，并在饮酒)

若+A+L： 唉！

若+A+L： 你地点解？

若+A+L： 又话成功？

(若+A+L 静)

A： 系呢，穿胶花呀？

若： 唔！五毫子一个。

(L 已有醉意)

L： 你唔系做茶餐厅侍应咩？做咩转行？

若： 打自己想要既工，搵钱俾自己洗，就梗系好啦！但仲要搵钱养屋企人，就唔系咁讲，呢个世界唔系得我一个人……细个識咁谗，大过反而到而家先谗得明。

A： you' re right!呢个世界好多人。好多唔同既人有唔同既想法。勉强自己「合群」？no! 我唔会随波逐流。但…去边先到同我有相同想法既人？

L： 咸鱼青菜，顾到自己，顾唔到屋企人；名利双收，顾到屋企人，又顾唔到自己想法。我系性感女神梦露第二，电影女主角，但系我連自己既人生都演唔好，剧本一塌糊涂。

L： 点解会咁？

(音乐出，转灯)

(A、L、若回到学生时代)

A： 送俾你既。

L： 哇！多谢！咩尼架！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

- A : 你估下？
- L : (拆开)卫生巾？
- A : 今日系你第一次做演员，虽然系老臨，都总算系你演艺生涯既开始，实现你梦想的第一步。
- L : 咁就唔好咁怪家啦！
- A : 唔系怪家，我系希望你唔好成世做茄喱啡，好似卫生巾咁撮下撮下呀。
- L : 这样也行？
- A : 你记住用喎！
- L : 吉祥物唔用得架？
- A : 唔用又点会红呀！
- L : 哈哈！咁都俾你谗到！多谢！
- (若跑出)
- 若 : 对…对对不起！我迟左！
- L : (不满地)得啦你！我咁重要既日子都迟到！
- 若 : …对不起…
- A : 去边尼？
- 若 : …打工…
- A : 又系散工呀？你份升学志愿填好未？
- 若 : 未…是但啦…
- A : 是是但但，鼓油捞饭。
- L : 你呢？
- A : 老师！我要做老师。
- (音樂停，转灯)
- L : 点解会咁？
- A : 单绯闻系真架？





**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

- L : 墮胎系假架！(愤怒地走开)
- A : 咁同李大导过夜系真既？
- L : .....
- 若 : 过左去就算啦。
- L : 仲來唔來得切？(回望A 及若)
- A : 唔试过点知？
- 若+A+L : CHANGE!

第五幕完



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第六幕**

同学甲： Miss！我地唔系母语教学？

A： 无错呀！

同学乙： 今日落雨喎！

同学丙： 落雨又点「母语」教学呢？

同学们： 唔好教书啦！

(A 示意同学安静)

A： 背首出师表尼听下啦！

同学甲： Miss！漠视民意要掙香蕉架喎！

A： 你哋背得出，我咪唔教。

(同学寂静一片)

A： 教不严，师之惰。子不学，非所宜。幼不学，老何为？每一粒种子都要浇水施肥，先可以健康地拙庄成长。今日我唔教，你地唔学，咁将来呢？书到用时方恨少，第时你地就会感激我啦！唉！又要我讲D 老套说话。下堂测验啦！

同学们： 下…又尼呢招？

A： 咁你地有无其他问题呀？

学生甲： 有呀有呀！Msis！你之前讲几个人，最后边个成功左？

A： 成功？(笑)

(L 出)

A： SEXY？

学生们： YES!

A： NO！

(L 在练习演技)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

L： 我拣好啦，我梗系拣浩南啦……做得唔好

L： 我拣好啦，我梗系拣浩南啦……但浩南好穷喎，见到D旧同学咪无晒面！定还是拣番  
羅白尼……

(L 继续练习演技)

(若和DAISY 出)

若： 三樓Daisy 急件！

D： 今晚食饭HAPPY HOUR 直落！

若： SORRY 呀~唔啦。我报左个计算机COURSE 呀！

D： OK！

(D 下)

A： 咁叫唔叫成功？

学生： CHANGE！

A+若+L： YES！WE CAN！

\_\_全剧终\_\_